


Weh Wi Ga Fi Seh

Mek 2023 di yaa yu
tek gud gud kayr a yu
badi ahn soal 

Janiweri Di Don: How di Yaa di Goh?

Janiweri *n.* January

Bizniz aalwayz bad eena Janiweri. *Business is always bad in January.*

Back eena di erli 2000s ...

Da sentens da tap da weh wi mi geh fi di sampl sentens fi di wod “Janiweri.” Yu si, bak den, fi mek di fos Kriol dikshineri, sohn a wi mi gaahn bowt aal oava Bileez di chek how pipl yooz sohn a di wod dehn. Pahn tap, wi mi geh sampl sentens fi eech wod.

Now da 2023 ...

Unu stil tink seh bizniz bad eena Janiweri? Ah di aks, kaaz wen mee luk chroo mi winda bai Foashoa bai mi ma hows, aal mee si da lat a tooris ahn krooz ship bak agen! Unu tink seh wi shuda stap seh dat “bizniz aalwayz bad eena Janiweri”?

Soon

If wi tek kayr a wi konchri, stap di fait op ahn bait op ahn kil op eech ada, den, maybi, di sentens dat “Bizniz aalwayz bad eena Janiweri.” noh wahn dehn bowt ...nohmoh nohmoh!

nohmoh *adv.* anymore, no more.

Dehn mi-di luk, bot dehn kudn si ahn nohmoh. They were looking, but they couldn't see him anymore. *See: agen.*

nohmoh nohmoh *phr.* to the maximum extent, to the extreme.

Ah lov yu tu nohmoh nohmoh. I love you with everything I have. *See: no miks.*

Silvaana Udz, Ed.D da fahn Bileez. If yu waahn tel shee bowt sohnting speshal fu put eena dis Kriol aatiki, eemayl: sudz142@gmail.com **Vizit: www.nationalkriolcouncil.org**